

**Bedencken auff das
Interim von einem Hochgeler-
ten vnd Ehrwürdigen Herrn/
einem Erbarn Rade seiner
Oberkeit vberreicht.**

1. Corinth. 3:
Die weisen ethasschet er inn yhret
Klugheit.

1548.

[Faint, mostly illegible text in a Gothic script, likely bleed-through from the reverse side of the page.]

Vrsichtige Erbare weise
günstige liebe Herrn / Ich hab das
Interim Lateinisch vnd Deutsch mög-
lichs fleiss gegen einander verlesen/
vnd eingenommen / Vnd dieweil
es von dreierlei dingen handelt/nem-
lich / von der gemeinen Lehre / die
offentlich vnd allezeit inn den predigten getrie-
ben/vnnd jederman eingeildet werden soll.

Darnach vonn etlichen andern vnnötigen
dingen / vnd wahren / die es den Leuten gern
einbilden / vnd die selben zugleuben bereden
wolt / Die doch in die predigt nicht anderst ge-
hören/denn so fern man dauor / Wo sie zu aber-
glauben gedeien wollen / warnen mus / vnd
endlich von den alten eufferlichen Vestischen
Ceremonien, die in der heiligen Schrifft / weder
befehl noch grundt haben / So will ich mein be-
dencken von diesen dreierley dingen auch ordent-
lich nach einander anzeigen.

Ich bezeuge aber zuuor für Gott / vnd der
welt / was ich hierinnen anzeigen / tadeln vnd
widerfechten werde / Das ich das keinem Men-
schen auff erden / viel weniger denen so das Inte-
rim zusammen getragen haben / aller wenigst Key.
Ma. Inserm aller gnedigsten Herrn zu wider/
zuuerkleinerung oder zu iniuriern thue / noch ge-
than haben wil / Sonder allein aus vnuormeid-
licher noth / mein vnd andere Gottseligen mens-
chen gewissen zuerretten vnd zu bewaren / vor
dem Geist des jrthumbes vnd verführung / Nem-
lich für

lich für dem Geist des widerchrists / von welchem Johann der Euangelist / inn seiner Ersten Epistel zeuget / Er sey schon inn der welt Vnd Paulus. ij. Thessal. ij. Er vbe schon das geheimnis der bosheit / Denn so er zu der Apostel zeit schon inn der welt / vnnnd im werck gewesen ist / was soltes jtz inn diesen letzten zeitten nicht thun / vonn deren der heilige Geist so mannigfaltig. geweissaget hat / Es werden gefehrliche zeit sein / inn denen etliche den yrrigen Geistern vnnnd Teuffels leren werden anhangen / vnd den Herrn / der sie erkauft hat verleugnen.

Vnd zum Ersten / souiel die Leere betrifft / ist die selbig von der Erbsünde / vnnnd von der erlösung inn Christo rein / Aber da sie die liebe zur Gerechtigkeit machen / ist sie tadellich / wie auch in andern stücken hernach / da von Ceremonien gehandelt wirdt / wol mehr mangel gefunden werden.

Dieweil aber dieselbigen nicht allein durch die Heilige schrift / Sondern auch durch das Interim selbs an denen orten / da es gudt ist / widerlegt / vnd vberzeugt werden können / bin ich der zuuersicht / wo Gottes gelerte prediger / so jtz vorhanden / bleiben werden können / Sie werden die reine lere dermassen darthun vnd gründen / das ihnen des Interims halben kein vnruhe gemacht werde / wo es aber ihe bestehe / achte ich / es werde allein ihre Person betreffen / vnd ihr eygen bekentnis / verantwortung vnd gefahr walten.

Zum Andern was die vnnöttige lere / wahn vnnnd Opinion betrifft / darin kein sonder werck hanget /

hanget / als was die Kirch für gewalt habe / vnd das die Bisschoffe allein firmen können / vnnnd dergleichen gauckeley / Das wirdt dem weltlichem regiment / meins achtens / auch kein vnruhe machen können / Sonder ein yeder für sich selbst bekennen / verantworten / vnnnd vertreten müssen / was er dauon helt.

Zum Dritten / was die eusserlichen Ceremonien antrifft / so das Interim erfordert / das wirdt am meysten gesucht / vnnnd gestritten werden / Darumb wil ich auch hieruon / so viel mir Gott verleihet / meinen verstandt fleissig anzeigen / Es sindt aber die eusserlichen sichtigen Ceremonien dreierley / ettliche vonn Gott geboten / als Tauffen / Communicirn / vnnnd dergleichen / Ettliche verbotten / Als Bilder anbeten / Ettliche aber sindt weder gebotten / noch verbotten / darumb sindt sie auch wieder gudt noch böse / an ihnen selb / sie werden aber gudt oder böse / nach dem sie der Mensch rechter oder vnrechter / gutter oder böser meinung thut / als fleisch odder fische essen / Denn wenn ein mensch fleisch darumb meidet / vnd fisch isset / das er sich geschickter empfindet / so thut er wol / wenn ers aber für ein Gottes dienst helt / als gefalle Gott das fisch essen besser / denn fleisch essen / so wirdt ein Abgötterey draus / wie bey den Cartheusern geschehen / Die sich vnternander geleret / vnd vermanet haben / ehe zusterben / denn fleisch zu essen / ob ihnen schon alle Artzte sagten / sie möchten durch fleisch essen beinn Leben erhalten werden / Vnnnd solche Leerenennet S. Paulus / Teuffels leere / Du fordert aber das Interim alle Ceremonien wider auff /

der auffzurichten / nichts ausgenommen / wie die vormalis im Babstumb gebreuchlich durch außs gangen seindt / welchs gar ein weitlenfftig ges meer ist / Darumb kartzlich danou zuhandeln / wil ichs inn ein ordnung fassen / die zur eiledienstlich ist.

Erstlich fordert es alle Ceremonien/so in dem Agend Buch begriffen sendt/doch mit der bescheidenheit/was abergläubisch / darinn gefunden sol gebessert werden / Welche besserung Key. Ma. jr fürbehalten / vnnnd inn der Vorrede gnediglich zuthun vertröstet hat.

Das Erste stück aber im Agend buch / ist das geweicht Saltz / darüber ein Priester also soll sprechen / Ich beschwere dich du Creatur saltz/bey dem lebendigen Gott / bey dem waren Gott/bey dem Gott / Der dich durch Heliseum ins Wasser hies werffen / etc. Das du werdest ein beschworen saltz / zum heil der gleubigen/vnnnd seiest allen den jenigen so dich einnemen / gesuntheit der seelen/vnnnd des leibes/vnnnd wo du hin gestrewet werdest / da mus weichen/alle fantasey / vnd listigkeit der Teufflischen schalckheit/vnd aller vnreinen Geister / Darnach bittet er Got/Das das saltz werde das heil des gemüts vnnnd leibs / etc. Baldt darauff beschweret er darauff auch das Weiwasser fast gleicher weise/ das es sol den Teuffel/vnd allen seinen gewaldt/ mit allen seinen abtrännigen Engeln aufswurzen/vnnnd aufreutten / Item es sol Kranckheit/ Pestilentz / vngesundte luffte / vnnnd alle Teuffels ge

fels gespenste/vertreiben / Darnach wirfft er ein wenig des geweichten saltzes drein / vnnnd bittet weiter / es sol / wo es gesprengt werde/die giftige Schlangen verstossen / vnnnd der Heilige Geist gegenwertig sein / Item die besprengung sol auch geben / gesuntheit des gemüts/gantzheit des leibs / schutz des heils/sicherheit der hoffnung/stercke des glaubens/vollkommenheit der liebe/etc. Solche vn der gleichen Ceremonien zuurteilen/müssen wir wissen/das Johann. j. Cano. iiii. Also schreibet/Got habe seinen Son in die Welt gesandt/zur versünung für vnser sünde/vnd baldt darnach spricht er weiter/wir haben gesehen vnd zeugen/Das der Vater den Son gesandt hat / zum Heilandt der welt/vnnnd beschleust darauff also / Welcher nu bekennet/das Ihesus der Son Gottes sey / das ist/Das er der versöner vnd Heilandt sey / der bleibt inn Gott/vnd Gott in ihm / Nu will der Herre seine Ehre keinem andern geben / Wie der Prophet Esaias saget / Darumb müssen wir den Herrn Ihesum die versünung für aller Menschen sündelassen bleiben/vnd alle hülff widder alles das vns an vnser seelen seligkeit wil verhindern / bey ihm allein / als bey dem einigen Heilandt suchen/ Denn wenn wir die Sünde durch andere mittel wollen versöner odder hülff bey andern Creaturn widder Teuffel / Todt/vnnnd Sünde suchen/ So rauben wir ihm sein Ehre/verleugnen sein / onud treiben Abgötterey / Denn wir machen aus der Creatur ein versöner/vnd ein Heiland / als were sie Gottes Son/der da Got selbs ist / vnnnd sein mus wie geschrieben ist/

ist/ Ich bin der Herre / vnnnd außserhalb mein ist
kein heylandt/ Esai. xliij. Nach diesem bericht/
sehe vnnnd vrteile mann nu / was für greuel inn
dem geweichten Saltz vnnnd Wasser stecken/
Denn erstlich ist der Pfaffe ein rechter toller man/
redet mit einer stummen / todten Creatur/ als het-
te sie ohren vnnnd höret / ja als verstünde sie die
Lateinischen vnnnd alle sprachen sehr wol/ Denn
gilt es inn der Lateinischen sprachen saltz/ vnnnd
Wasser weihen / So mus es inn allen andern
sprachen auch gelten/ wo mann Christen findt /
Item als hette sie ein freyen willen/ wie die En-
gel vnnnd Menschen/ vnd stünde in ihrer macht/
ob sie wolte den Teuffel vertreiben / Vnnnd alles
anders thun/ worauff sie beschworen wirdt/ od-
der nicht/ vnnnd als erstreckt sich ihr freyer wil-
le so fern/ das sie das alles/ was da gemeldet ist/
wol thun könnte/ wenn sie nur wolte/ Denn wenn
die Creatur nicht vermagt solches zuthun / oder
daran gehindert ist / wider ihren willen/ od-
der nicht verstehet/ was er redet/ od-der gar nicht oh-
ren hat/ vnnnd darzu nicht lebet / Was ist solchs
beschweren anderst / Denn eine torheit vber alle
torheit / Ich geschweige / das mann inn der
Heilige schrift nirgent findet/ das sich ein rechte
glaubiger Mensch jemals vonn anfang der Welt
her/ beschwerens hette vnterstanden vnnnd an-
gemasset/ deun nur gegen einem andern vernünft-
tigen menschen / des er im selben fall ordentli-
cher Herr vnnnd Oberer ist / Vnnnd thut nichts
zur sachen / ob jemandt wolt anziehen die wort
Christi / wenn ihr glauben hettet als ein senff-
korn / so wärdet ihr zu diesem Berge sagen/ ver-
setze dich

setze dich ins Meer / so wirdt ers thnn/ Denn es
ist ein grosse vnterscheid zwischen solchen gross-
en Göttlichen wunderwercken / vnnnd zwischen
dem weihen / auch zwischen dem reinen seinfel-
tigen gebieten/ vnnnd zwischen dem beschweren/
Denn so Christus vnnnd seine Apostel Teuffel
aufstreiben/ Todten auffwecken / Blinden se-
hend machen / So gebieten sie einfeltig / fahre
aus/ stehe auff/ sihe auff/ vnd sprechen gar nicht/
Ich beschwere dich / etc. Denn das thun allein
die vngleubigen Jäden / Acto. xij. Vnnnd aber/
glaubische Christen / vnnnd gehöret zum einfel-
tigen gebieten/ ein Göttliche krafft/ die inn dem
sein mus/ der da gebet / sonst richtet er nichts
aus/ Nu ist aber ja solche krafft in den saltzwei-
hern nicht / wer aber spricht / Ich beschwere
dich/ der sagt nicht mehr / Denn ich mache dich
schwerend / oder ich forder ein eid vonn dir/
oder ich mane dich auff ein eid / Darzu gehört
aber/ das der beschwerer herr vber den beschwor-
nen sey / Vnnnd der beschworne so from / das er
den eid nicht verachte / Sondern getrewlich
halte / sonst schafft der beschwerer auch nichts/
Darumb vnuernünftige Creatur beschweren ist/
vnnnd bleibt aber glaubische torheit / wie gesagt
ist / Des gleichen den Teuffel beschweren/ Denn
der Teuffel ist ein Lügner/ wie Christus sagt/ vnd
heldt gewislich kein eid / er diene ihm denn zu
seinem vorteyl / Darumb wer den Teuffel will
mitt beschweren bezwingen / der machet ihn
from/ vnd warhafftig/ als hielte er den eid/ vnd
Christum dargegen vnwarhafftig / als habe er
dem Teuffel vnrecht gethan/ da er ihn ein Lügner
B schalt/

schalt / Ist er aber ein Lügner / so helt er auch kein eid.

Ferner ist der mangel inn solchem weihen/ vnd beschweren / das es Gott nirgend befolhen hat/darumb kan auch niemandt gleuben/das es Gott gefalle/denn on Gottes wort bestehet kein glaube/Darumb ist es gewisslich sünd/wie Paulus spricht/Was nicht aus dem glauben geschicht/das ist sünde/Über das alles / ist Abgötterey/Denn man helt das wasser vnnnd saltz für den Heylandt/der Gottes Son ist / denn der selbige kan allein thun/was man bey dem saltz vnd wasser süchet / Es wirdt auch Christo sein ehr geraubt / vnnnd dem saltz vnnnd wasser angehengt/ Es wirdt auch der name Gottes / vnnnd andere wort Gottes vnnützlich vnnnd felschlich hierin gebraucht / welchs Gott nicht vngerochen lest.

Vnnnd wiewol das Agend buch kein meldung dauon thut/So leren sie doch sonst offentlich/das weywasser neme auch sünde wegt/Das mit wirt Christo auch die ehre des versöners gestolen/vnnnd das wasser zum gantzen vollen Christo vnnnd Gottes Son gemacht / Welchs der greulichsten Gottes lesterung eine ist/die man finden magt / Denn da wirdt **CHRISTVS** verleugnet/vnnnd saltz vnnnd wasser an sein stadt gesetzt / Dis alles bitte ich / woll man fleissig mercken / denn auff diese weyse / sol man alle Ceremonien richten / vonn denen ich hernach allein die mengel/misbreuch vnnnd tadel wil melden/Vnnnd das vrteil eines ißlichen heimlichen gedancken/

gedancken allein vmb der kurtz willen heimstellen.

Folget die Tauffe / vnnnd wenn man sie nach dem Agend buch soll halten / mus man den Teuffel beschweren / geweiht saltz dem kindt inn mundt geben / vnnnd mitt zweierley öle/nemlich/Salutis des heils / vnnnd Chrismatis/der salbung / es salben / Nu ist vor gnug angezeigt / Was das geweiht saltz / vnnnd das Teuffels beschweren sey / wer es nun braucht/der bewilliget vnnnd macht sich teilhafftig aller greuel / die droben angezeigt seindt / Das öle des heils / vnnnd die salbung sampt dem öle der Francken/weihen vnnnd beschweren / die weihwischhoffe / am Grünen donnerstag alle jar/ Das öle des heils also / Erstlich beschweret er das öle im namen Gottes des Almechtigen/vnnnd im namen Ihesu **CHRISTI** / vnnnd des heiligen Geists / Das vonn dem öle aufsfahren/ soll alle schalckhafftige krafft des widersachers/ Vnnnd alle veraltete bosheit des Teuffels/ aller gewapfamer anlauff/alles verrwirrets vnnnd verblindts gespensten werde außgereutt/ verjagt vnnnd vertrieben / Das ist zwar Herrisch gnug / Er solte den Teuffel beschweren / das er hinweg fahre / so beschwert er das öle/Das sich des Teuffels nicht erwerben kan / lestert darzu die gutten Creatur Gottes/als were sie mit dem Teuffel besessen/der mit allen seinen krefft vnnnd schalckhafftiger bosheit darin einnewurtzelt hette/welche lesterung auch bis an Gott den Herrn reichet/den Paulus spricht/Alle Creatur Got/

helt / wider die lere S. Pauli / der da spricht /
Ich wil das die jungen Witwen heiraten / Kins
der zeugen / Hausshalten.

Weiter volget die ölung der Krancken / vnd
wirdt daselbs auch ein sonder öle gebraucht /
Das weihet der Bisschoff also / Erstlich beschwe
ret er den Teuffel / das er aus dem öle hinweg
woll fahren / damit das öle möge ein Geistliche
salbung werden / Das da vermöge zustercken /
den Tempel des lebendigen Gottes / Auff das
der Heilige Geist darin (das ist im Tempel des
Menschlichen leibs) möge wonen / Darnach bit
tet er Gott / das er seinem Heiligen Geist woll
inn das öle sticken vnd stecken / Hierin sind alle
oberzelte greuel / vnd dessen mehr / Das er das
öle will zu einer Geistlichen salbung haben vnd
machen / so doch die heilige Christenheit / kein
andere Geistliche salbung hat / noch weis / Denn
Gott den Heiligen Geist selbst / vnd wirt also
die ehre des Heiligen Geists dem öle gegeben /
Item / das er den heiligen Geist an das öle bin
det / vnd gleich darein Bannen wil / denn er da
rin wonen vnd bleiben mus / so doch der heili
ge Geist hie auff Erden allein inn den gneubigen
wonet / die sein Tempel sind / Ober das alles
wird dabey die alte Letaney gelesen / wenn man
den Krancken ölet / darin die verstorben Heiligen
mit namen angeruffen werden / für den Krancke
zubitten / vnd werden vnter den selbigen Todten
heiligē genennet / Deren heiligkeit sehr vngewiss
ist / Auch ettliche die nie geborn / Sondern von
bösen Buben erticht sindt / warumb aber solche
anruffung

anruffung vnrecht sey / will ich hernach sagen /
Item / so salben sie den Krancken / an augen / oh
ren / nasen / mundt / henden vnd füßen / vnd
sprechen zu einer jeden salbung also / Ich salbe
dich mit diesem heiligen öle / etc. Durch die
se Heilige salbung verzeihe dir Gott der **HERR**
das du mitt den augen oder ohren / etc. Besün
diget hast / Vnd mus also Christus der versö
ner weichen / Vnd die sünd nicht durch sein
Leiden / sterben / vnd blutuergiessen / Sondern
die schmier des stinckenden öles vergeben wer
den / Damit ja das heilig öle an Gottes stadt
zum Abgott werde.

Darnach sprechen sie inn einem gebet vnt
er andern also / Es machen dich gesundt alle
Engel vnd Erzengel / alle Heiligen Patriar
chen / vnd Propheten / alle Aposteln vnd E
uangelisten / Merterer / Reichtiger / Jungfran
wen / Witwen vnd Kinder / Dieser aller namen
werden darzu missbraucht / das nur ja der herr
Ihesus nicht allein der Heilandt sey / Wiewol
nu die Krancken besuchen / vnd für sie zu bitten
den kirchen dienern nicht vbel anstände / Wenn
sie darzu gefordert würden / So ist dennoch
die ölung der Krancken inn der Schrift sehr sch
wach gegründet / denn das die Apostel Marci.
vi. Viel Krancken mitt öle gesalbet vnd ges
undt gemacht haben / Ist ein besonder ges
waldt inen vonn **CHRISTO** gegeben /
Wunderwerck zuthun / Welcher nicht zu als
ler zeit / Viel weniger allen Priestern / vnd
Bisschoffen gegeben ist / Sondern allein
ettlichen

ettlichen nach Gottes / vnnnd nicht nach Men/
schen wahl / so lang das Euangelion solcher
wunderwerck zur bestetigung bedürfft hat / So
ist die Epistel Jacobi/die den radt gibt / das die
Krancken die Priester beruffen / das sie mit öle
gesalbt / vnd vmb ihre gesundtheit gebeten wer/
de / vor alters her/vnd noch yhe lenger yhe mehr
inn zweiffel/ob sie eins Apostels sey / ja viel mehr
in verdacht / das sie nicht allein keins Apostels/
Sondern eins solches mannes sey / der inn der
warheit vor den augen Gottes kein rechter
Christ gewest sey / vnnnd wirdt aussershalb dieser
zweier ort / kein wort von der Krancken ölung in
der gantzen heiligen Schrifft gefunden / Vnnnd
wenn sie schon wol gegründet were / so ist den/
noch der misbrauch darin / das sie zum leben
vnnnd der gesundtheit angerichtet ist/vnnnd doch
allein zum Todt gebraucht wirdt/ Denn das A/
gend buch verbeut ernstlich/ mann sol das Sa/
crament niemandt mitteylen / mann vermütte
denn eigentlich/das er dem Todt nahend/vnnnd
bald sterben werde.

Bey der beicht die auch im Agend buch be/
griffen ist/sindt drey grosse misbreuch/ der erst/
Das man die gewissen bey verlust der Seligkeit/
alle wissentliche sünden mit ihren vmbstenden/
so die sünde schwerer machen/zuerzelen verstrick/
Welchs vonn **G D E E** nirgendt gebotten/dem
Beicht Vater ergerlich/dem Beicht Kindt fabr/
lich / vnnnd darzu vnmüglich ist / Der ander / Das
mann den beichtenden ein buß aufflegt / nicht
wie sie für anhin recht leben / Sonder wie sie für
die vergangene sünden sollen gnugthun/mit der
beschwerung/

beschwerung / das wo solche buß nicht gehal/
ten/die sünd e darauff sie gesetzt / von newem
wider gebeichtet sollen werden.

Der dritt misbrauch / Das das Agend
buch keinen Priester leret recht absolvieren/son/
dern sie wünschen allein dem Beichtkindt mit
gemeinen worten vergebung der sünden / inn
massen/wie das ein jeder Paur/Weib oder Kind
auch thun kan / vnd ein jeder Christ dem andern
zuthun schuldig ist.

Zu Liechtmesssen weihet mann das wachs/
vnnnd bittet/das Gott die Kertzen segnen wolle/
das sie dienen zur gesuntheit Leibs vnd Seelen/
zu Land vnnnd zu Wasser / Item/das er sie segne/
das wenn wie sie imie Brennend opffern / wir
auch mit dem Feur der lieb angezündet werden/
Item/wo sie angezündet werden/das der Teuff/
fel fliehen mus mit allen seinen dienern / Das ge/
schicht on Gottes befehl / Derhalben auch on
glauben/vnd ist sünde/raubt dem Heilandt sein
ehre / der allein gesuntheit des leibs vnnnd seelen
geben/den Teuffel vnter vsere füßen / Wie Pau/
us spricht/zutretten/vndvns den heiligen Geist/
erwerben vnnnd geben kan.

Am Ascher Mittwoch weihet mann die As/
chen/die leutt damit zu aschen / vnnnd beschwe/
ret sie / das sie vns vonn dem vnflat der sünden
wolle reinigen / Darnach bitten sie/das Gott
wolle ein Engel vom Himmel senden der die asche
segene vnd heilige / das sie ein heilsame artzney
werde / Auff das die damit besprengt werden/
nicht alleinjrer sünden losz/ Sonder auch ann
leib vnd seel gesunt werden.

E

Was

Was es für torheit sey / stummen vnd todte
asschen zu beschweren / ist droben gnug zuver-
stehen geben / Was auch für verleugnung Chri-
sti / Gottes lesterung vnnnd raub des versöners
ehren darin stecke / das vnns die asschen von sün-
den reinigen soll / vnnnd nicht das blut Christi
ist allen Christen offenbar.

Am Palmitag beschweret mann die Palmen /
das alle krafft / alle macht / aller anlauff / vn alles
Heer des Teuffels / aus den Palmen ausgewür-
tzelt vnnnd verjagt werde / Darnach soll **GD**
die Palmen also segnen / Das wer sie tregt / alle
anfechtung des Teuffels möge vberwinden /
Item / das die stete daran mann sie tregt / ge-
heiligt werden also / das alles Teuffels gespen-
ste danon weichen müsse.

Hie lestern sie abermal die gutten Creaturn
Gottes / als besessen vom gantzen Heer des Teuf-
fels / beschweren ein stumme todte Creatur / die
nicht höret / geben ihr die ehre des Heilands /
darin stecken / alle obgemelte greuel / Darnach
betet man den hülzern Esel mit auswendigen
geberden an / oder ein Crucifix / vnnnd thuns
nicht allein die kinder / Sonder wo nicht Schu-
len sind / die Priester selbst / Welchs ein grewli-
che Abgötterey ist / von dem Interim selbs ver-
worffen / Das da wil die Bild sollen nichts /
denn gedenckzeichen sein / vnnnd nicht geehret
werden.

Dergleichen geschicht auch am Karfreitag
mitt dem Crucifix sehr ergerlich vnnnd Abgöt-
tisch / beyde in Worten der gestenge vnd geberden /
Denn.

Denn Idolatria heist nicht allein wenn mann
falsche Götter ehret / Sonder auch vnnnd eigent-
licher / wenn mann ein todte Bild ehret / es sey
wes Bild es wolle

Am Osterabend weihet mann den Oster-
stock angezündet / Das er nicht allein heilig sol
sein / Sondern soll alles segnen / was vonn sei-
nem Feuer erwermet odder geschmeltzt werde /
Vnnnd wo etwas vonn dem Osterstock hin fe-
me / da soll des Teuffels bosshheit vertrieben
werden.

Man weihet auch die Tauffe vergebentlich /
vnd freuentlich / so doch vorhin durch die Tauffe
Christi alle Wasser zur Tauffe geheiligt sind /
Vnnnd stelt sich der Priester gleich als müste das
wasser erst durch sein segnen zur Tauffe tüglich
werden / Item / als bekeme das wasser durch
sein segnen die krafft / Das es die getaufften könne
newgeben / so doch die selbig krafft nicht im
wasser ist / noch sein sol / sonder im wort Got-
tes / damit die tauffe eingesetzt / beuolhen / vnnnd
zum bad der widdergeburt verordnet ist.

Item / er stößt den aberglaubischen / gewei-
chten Osterstock in die tauff / vnd will der Heili-
ge Geist sol also an den Osterstock gebunden
sein / das er mit dem Osterstock inn das Tauff-
wasser mus steigen / So doch der Heilige Geist
nicht im wasser ist / noch sein sol anderst / denn
wie er himmel vnnnd erden erfüllet / sonder wenn
der Priester das wasser auff den tauffling geust /
oder ihn drein tuncet / so geust Gott zugleich sein
Heiligen Geiste damit auff / vnnnd in den tauffling
E ij welcher

Welcher Kompt nicht aus dem Tauffstein/oder aus dem wasser/Sonder aus seinem Göttlichen wesen/da der Geist vom Vatter vnd Son außs/ gehet/vnnd gesendet wirt/Solchs geschicht als les on Gottes wort/vnd befehl/gibt dem wasser vnnd Osterstock/ja auch dem Priester/das ihe/nig/das Gottes allein ist/verkleinet die Tauffe/die inn der not aufferhalb der kirchen mitt gemeinem wasser geschicht / bereitet den weeg zum zweiffel / ob die selben auch recht getaufft seind/Vnnd ob nicht die Tauffe inn der kirchen an ihr selbst besser sey / Denn die im haufe/So doch das wasser der Tauffe/ wie lang vnd prechtig sie daran segenen/vnd weihen/nichts besser ist vor der Tauffe/ vnd nach der Tauffe/Denn ein ander gemein rein wasser / Denn so man teufft/gibt Gott durch sein wort krafft / der widergeburt vnnd den heiligen Geist zum wasser/Nicht ins wasser / dem Teuffling / nicht dem Tauffstein / Darumb ist es eitel Superstitio.vnnd aberglaub zur Pfaffen rhum erfunden.

Ferner machen sie zwey Creutz/inn das wasser/ mitt dem obgedachten zweierley ölen des heils/vnd der salbung / Von welcher weihung wie vnchristlich die seindt / droben gnug gesagt ist/Vnnd wollen mit den selben ölen/die Tauffe erst recht geheiligt vnnd fruchtbar gemacht haben/Darzu singt man auch dabey die alten Letaney/dauon bey der krancken ölung gesagt ist/vnnd weiter gemeldet werden sol.

Am Ostertag weihet man allerlei speise/Welche weihe durchaus mit diesem tadel beketzt ist / Das sie bitten / Gott wolle die speise also segenen/

segenen / Das wer dauon esse/nichtallein am leibe/sonder auch an der seelen geistliche gaben dauon empfangen/welchs de Herren Ihesu als dem einigen Heiland alles an sein ehre reicht / vnnd tang nicht/Ich wil ein exempel setzen/Den speck weihen sie also/wir bitten dich herr/ segen diese Creatur/den speck / vnnd verleihe vnns durch anruffung deines namens/das/Wer etwas von diesem speck yffet/nicht sterbe / Sondern ewig lebe/Item die Kesse also/das/wer dauon yffet mit allerley himlischen segenen / vnnd deiner gnade ersettigt werde/Item wer dauon yffet/ empfahe gesuntheit des gemüts / gantzheit leibs/sicherheit der hoffnung / stercke des glaubens/vnnd trost des heiligen Geistes/Wenn solche wort vom heiligen Sacrament des leibs vnnd bluts Christi geredt würden / So were es doch zu viel / wo man nicht außsträcklich mit dieser bestendicheit redet/wer im rechten glauben dauon yffet/Wieniel mehr ist es zuviel/vnnd tausentfeltig zu viel/so man es vonn gemeiner speise höret/Von der doch Paulus spricht / Die speise dem bauch/vnnd der bauch der speise / Aber Gott wirt sie beide hinrichten.

Gleiche greuel sind inn der würtzweihe/an vnser Frauen Himmelfartag durchaus/Item/inn der weihe / S. Johans / weinn das michs zu erzelen verdreust / Diese greuel alle sindt on Gottes wort vnnd befehl/ mißbrauchen den namen Gottes / vnnd sein heiligs wort / das mancherley weyse/inn frembden verstand darein gezogen wird/rauben Christo sein ehre/setzen Christumabe/vnnd die Creatur an seine stadt/seind
E iij Abgöttisch/

Abgöttisch/Gotteslesterlich/verfürisch/verleug
nen Christum / Der uns erkauffe hat/ etc. So
viel begreiffe das Agend buch allein / das doch
immer in einem Biscumb anderst ist/ denn im
andern.

Ferner will das Interim, man sol die Tauffe/
Firmung/Sacrament des Altars/Buss/Dlung/
Priester weihe / vnnnd Ehestand / sieben Sacra-
ment halten/vnnnd nemen/daran wol nichts ge-
legen ist/Dieweil das wort / Sacrament nichts
aufffich tregt / das dem glauben zum nachteil
kompt/wenn mans recht verstehet/ Es wirdt
aber gleichwol von den selbigen/bey ihnen nicht
recht gelehret.

Von der Tauffe vnnnd Dlung sind die man-
gel schon angezeigt/ Inn der firmung sind diese
mangel / Erstlich wird die Tauff mit der that
verlestert/als empfahe der getauffte den heiligen
Geist nicht/Sonder erst in der firmung/so doch
das Euangelion lautter sagt / vnnnd das Interim
meldet/ man werde inn der tauffe new geboren
aus wasser vnnnd dem heiligen Geiste / Darnach
macht sich der Bisschoff selbs zu GORE / Denn
sie setzen das für ein vrsach / Darumb kein ge-
meiner Priester/sonder ein Bisschoff firmen kan
vnnnd sprechen / Ein Priester kan den heiligen
Geist empfangen/aber nicht geben / wollen also
lauter sagen / Ein Bisschoff kan den heiligen
Geist geben / welchs Gottes allein / vnnnd ohn
mittel ist.

Ferner salben sie die Kinder mit dem Abgöt-
tischen salben öle / dauon droben bey der tauffe/
gesagt ist/Entlich wollen sie den heiligen Geist
an dessel/

an dasselbig öle also gebunden vñ gefange habe
das wem es angestrichen werde / inn den selben
mus der heilige Geist kommen / welch stück wil
der sie selbs ist/Denn sol das war sein / So sind
die Kinder vor inn der tauffe bey ihnen eben mit
dem selben öle schon gesalbet / Vnd haben nach
ihrer meinung den geist schon empfangen / vnd
dürffen ihrer firmung nichts / Aber da treibt sie
der irre geist/das sie sprechen / Ein Priester kan
den heiligen Geist empfangen / aber nicht ge-
ben.

Von der buss sind droben etliche mangel
angezeigt/vnd sagt das Interim oeffen mehr/das
die Priester nicht gnugsamlich vrteilen können/
mann erzele denn alle wissentliche sünde/welchs
sie doch selbs umbstossen/denn sie bekennen/das
alle vergessne sünden warlich durch die Absolu-
tion vergeben werden / Warumb solten sie denn
die heimlichen sünde / die ihnen zuhören nichts
nütz / vnnnd dem Weichtkind zusagen fahrlich/
nicht auch vergeben können ?

Von der gnugthuung bekennen sie / sie sol
ENIGED zugeeignet werden/vnnnd machen
doch als bald aus Fasten / Beten / vnnnd Allmu-
sen ein gnugthuung/ rauben Christo das ampt
der versönung/vnnnd gebens vnsern eigen armen
wercken.

Bey dem Sacrament des Altars / wollen
sie den leuten die Transubstantiation/das ist/Die
verwandlung einbilden/als bleibe das brot nicht
brot / sonder werd der leib Christi / so doch der
Alt

alt lerer Yreneus ein junger Policarpi / des Er/
sten Bisschoffs zu Smyrna / Den Johann der E/
uangelist selbs zum Bisschoff gesetzt hat / an/
derst danon redet / Nemlich sibet er erstlich auff
die wort Pauli / zun Römern / von der Allmech/
tigkeit Gottes / da er spricht / Gott ruffet dem
das nicht ist / Das es sey / vnnnd spricht darauff/
Das brot so aus der Erden ist / so es empfahet
die ruffung Gottes / (verstehe / wenn Christus
spricht / Das ist mein leib) so ist es nicht mehr ein
gemein Brot / sonder die *exegesis* aus zweyen din
gen zusammen gesetzt / Nemlich - aus ein yrdischen
vnnnd aus ein Himlischen / Vnnnd will also das
brot bleibe brot / vnnnd der Leib Christi / der da
Himlisch ist / sey dabey odder darin / Welche
meynung vnzellige viel fragen abschneidet / Die
die Transsubstantiation gebürt / vnnnd auflösllich
sind.

Der Priester weihe were vns nicht wider/
wenn sie Christlich gehalten würde / Sie hat a/
ber die mangel / das die Priester den Ehelichen
standt zumeiden / darinn verknüpfft vnnnd ge/
zwungen werden / Welchs Paulus des Zeuffels
Lere nennet / Vnd gebent mann sol Hurerey zu/
uermeiden / ein jeder sein Weib / vnnnd ein jede
ihren mann haben / Es sey besser heiraten / denn
brennen / Darinn ja die Priester nicht ausge/
nommen sindt / Item sie werden geweihet / das
sie die Epistel / das Euangelion lesen / vnnnd inn
der Mess Opffer thun sollen / für die Todten /
vnnnd Lebendigen / Damit die Seelmess vnnnd
das Fegfeuer bestetigt werden / Vnd Christi
Leib vnnnd blut / zum versöne Opffer / das ver/
gebung

gebung der sünde erwerbe den todten / vnnnd den
lebendigen / gemacht werden / Welchs das Inte/
rim selbst für vnrecht verwirfft / Item / Sie wer/
den mit dem Abgöttischen öle gesalbet / vnnnd
werden die todten Heiligen vber sie angeruffen/
Item / Sie werden mit den siebentag zeiten be/
schwert / damit sie sich alle tag so müde müssen
plappern / das nicht möglich ist / das ihr einer
ferner zu lesen vnnnd zu studirn solt lust behalten/
verlieren darzu die besten zeit / vnnnd stundt / des
tages damit / vnnnd ist viel abgöttisch dings da/
rin / das allein eins gantzen grossen Buchs be/
dürfft / solte mann alles erzelen / zuuor der heil/
ligen Legend / so drein gezogen werden.

Bey der ehe versagen sie dem vnschuldigen
gescheidenen / da gleich kein hoffnung der ver/
sönung ist / die freiheit wider zu heiraten / bey le/
ben der verbrechenden hingelauffnen / Welchs
wider die natur / wider alle vernunft / vnnnd wi/
der das heilig Euangelion ist / Denn Christus er/
leubt den scheidbrieff / den Moses geordnet hat /
Im fall des Ehebruchs / wiewol er ihn inn an/
dern fellen wider auffhebt / vnnnd der scheid/
brieff hat diese wort vnd meinung ausgedrückt /
Ich sage dich frey / ledig vnnnd loss / das du ma/
chst hingehen / vnd dich wider verheiraten etc.
Nu redet je Christus eben vnnnd dem scheydbrieff
dauon die Juden fragen / nemlich / vom scheid/
brieff den Moses geordnet hat / vñ von keinem an/
dern / Darumb so Christus vmb ehebruchs wil/
lenein scheidbrieff zu geben zulest / So lest er die
freiheit wider zu heiraten / so im brieff ausge/
drückt ist /

drückt ist / auch zu / das kein rechte vernunft
leugnen.

Vom opffer der Mess bekennet das Interim
recht / Das das einig opffer Christi am Creutz/
allein vergebung der sünde vnnd ein ewige erlö/
sung erlangt hab / vnnd das sein leib vnnd blut
inn der Mess nicht geopffert werde vergebung
der sünden zuerlangen / Es vnterstehet sich aber
gleich wol aus dem selbigen leib vnnd blut / auff
ein newe weise ein denckopffer zumachen / Das
niemand zu opffern macht habe / denn die Pap/
stischen Pfaffen / vnnd sollen doch alle Christen
den nutz des opffers am Creutz geschehen / durch
der Pfaffen gedencck opffer an sich ziehen / vnnd
zu sich bringen / Braucht darzu viel weitleuffti/
ger / vnnschlieslicher reden / Die keiner antwort
werd sindt / Allein stehet ihr geticht auff dreyen
bawfelligen vnnd schendlichen gründen / Der
erst grund ist ein grobe / greiffliche / vnuerschampt
te lügen / wider die heilige Schrift / Der ander
grund ist offenbarung / felsehung / der gar alten
Veter sprüche / Vnnd der drit ist ein new vnge/
gründ geticht / So vonn anfang der welt / bis
auff dis Interim vormals nie gehört ist worden.

Die grob / greifflich / vnnd vnuerschampt
lügen wider die heilig schrift ist / Das sie sagen /
Melchisedeck hab wein vnnd brot geopffert /
Gene. xiiij. Denn im Hebreischen vrsprünckliche
text / stehet gar nicht / das ers geopffert hab /
sonder das er erfür gethan / heraus gefürt / getra/
gen / geschickt / oder geschafft habe / Nemlich des
Abrahams

Abrahams Kriegs volck. damit zulaben vnnd
zu erquicken / Denn das Hebreisch wort (Hosi)
heist heraus odder hinaus thun / vnnd kan vnnd
magt nimmermehr dahin gezwungen werden /
das es opffern heisse / Vnnd damit man gewis
sey / das solchs nicht mein geticht / Son/
der klare wort / heller denn die Sonne seind /
sol man wissen / Das nach dem G. D. R. beschlos/
sen die schriften des newen Testaments vrs/
sprünglich in die Griechischen sprach zu fassen /
vnnd nicht inn die Hebreischen / Darumb das
die Juden abfallen / vnnd die Heiden zum glau/
ben treten würden / Wie denn beides gesche/
hen / hat er Ptolomeo dem könig in Aegyptē bey
Dreyhundert jaren vor Christi geburt ins hertz
geben / Das er lxxij. Mann / die gelesterten Ju/
den zu Iherusalem gnediglich absinnet / vnnd
mit grossen freyheiten vnnd geschencken bewegt
vnnd vermocht / das sie ihme das alte Testament
aus Hebreischer sprach inn das Griechisch ver/
dolmetscht haben / Welche dolmetschung her/
nach die Apostel vnnd Euangelisten inn ihren
schriften / wie vnleugbar gebraucht haben / Die
selbige / lxxij. Dolmetscher haben das obgedacht
wörtlein Hosi auff Griechisch verdolmetscht /
ἵνα ἔξωσται / das ist / Er hats hinaus getragen / vnnd
kan gedachts Griechisch wort auch nimmer/
mehr gezwungen werden / Das es kündt opff/
ern heissen / Wie alle die / so die sprach können /
on ihren danck müssen bekennen.

Zu dem da der Apostel zum Hebreern han/
delt / wie Christus ein Priester nach der ord/
nung

Dij

nung Melchisedeck sey / sagt er / Er hab am tag/
seines leidens gebet vñnd flehen mit starckem
geschrey vñnd zehern geopffert / vñnd zeigt also/
das da Christus sich selber am Creutz geopffert/
habe er das gebet darzu geopffert / zu deutten/
das Melchisedeck sein vorbild/nicht Wein vñnd
Brod/sonder nur gebet/lob vñnd danck/ geopffert
habe / Welchs opffer die schrift an viel ör-
tern fördert vñnd lobet / Vñnd ist also war/das
Christus sein leib vñnd blut im Abentmal nicht
geopffert hat/noch vns zu opffern befohlen/son-
dern hats vns geben/zue essen vñnd zu trincken/das
wir dardurch sollen gesterckt werden/gleich wie
Melchisedeck wein vñnd brod nicht geopffert/
Sonder hinaus getragen/ vñnd dem kriegsvolck
vorgelegt vñnd gesetzt es damit zustercken/Da sin-
det sich auch / das sie die wort Christi felschlich
aus legen / da er spricht / Nempt vñnd esset/Nem-
met vñnd trincket/etc. Solchs thut/so offtt ihrs
thut / zu meinem gedechtnis / Denn sie wollen
das wörtlein/solchs thut / sol souiel heissen/als
solchs opffert / das bricht ihn aber der heilig
Paulus/ der also spricht/ Solchs thut / so offte
ihrs trincket / zu meinem gedechtnis / wil also/
Das man essen vñnd trincken sol/zum gedechtnis
vñnd nicht opffern.

Die verfelschnng/der gar alten Veter sprä-
che/finde sich inn dem/ das dieselben alten Ve-
ter/die wörtlin Hosi vñnd *ἕωμαι* zu zeiten Promu-
lit,das ist herfürtragen / zu zeiten Obrulit,das ist
fürtragen/wie sie es inn Lateinischer sprach ver-
dolmetscht haben / wie denn Ciprianus. lib. 2.
Epist. 3.

Epist. 3. Ein weil das Protulit,eln weil Obrulit
gebraucht/welchs ja recht ist/wenn mans recht
verstehet/Aber das wörtlein Obrulit ist zweyfach/
vñnd macht die rede im Latein zweyfentlich /die
doch weder im Hebreischē noch Griechischē zwey-
fentlich ist / Denn Obrulit heist zu zeiten opffern
wie man Gott ein opffer opffert / zu zeiten heist
es schlecht fürtragen/fürlegen/darbiētē/dar für-
legen/ reichen / Wie wir viehe vñnd leutten et-
was fürtragen / vñnd darbiēten können/ on alle
gedancken vñnd schein / einiges opffers / als
Obrulerunt ei Paralyticum,Sie brachten ihm für ein
Gichtbrüchtigen/Obrulerunt ei spongiam aceto ple-
nam,Sie hielten ihm für sein mund ein schwam-
men mit essig/Item/Obrulerunt ei partem piscis a si,
Sie legten im für ein stück von einem Bratfisch/
Auff diese weise/haben die alten Veter das wört-
lein Obrulit gebraucht / vñnd vom Leib vñnd Blut
gesagt/Es sey ein opffer / denn es ist am Creutz
geopffert/darnach sagen sie/ Christus habe sein
Leib vñnd Blut fürgetragen/ fürgelegt/dargebo-
ten/ Contulit,uel protulit,wie Melchisedeck wein
vñnd brod / So verstehens sie vñnd legens aus
felschlich / Er hats Gott im abentmal geopffert/
so doch die Veter nichts anders haben wol-
len sagen / denn Christus habe seinen Jüngern
dargebotten/zue essen vñnd zu trincken/vñnd wer-
den also die Veter hin vñnd wider gefelscht / vñnd
gedeuttet/auff ein meinung / die sie nicht bedac-
ht haben/ Vñnd ob schon etliche aus den nicht
gar alten Veteren/durch das wörtlin(Obrulit)bes-
trogen sindt worden/sonderlich die weder Gries-
chisch noch Hebreisch könt haben/das sol je bil-
lich der

lich der Göttlichen warheit keinen nachteil bringen.

Das newe geticht aber / das sind der Welt anfang/inn der Christenheit nie gehört ist worden / Bis ytzo zu Augspurgk des 1548. Jars/ ist das / Das alle Christen die gnad **GDZEE** die Krafft/nutz vnd frucht / des einigen opffers am Creutz geschehen/ durch des Papistischen Pfaffen / ertichtets danckopffer ann sich sollen ziehen vnnnd bringen/ Welchs sie wol sehr oft repetirn / aber mit einem einigen wort der schrift nicht können anzeigen odder beweisen/ Das hat sich wol langst im werck erfunden / das sie vnzelliglich gelt vnd gutt damit ann sich haben gebracht vnnnd gezogen / vnn noch gern ziehen vnd bringen wolten / wie der heilige Petrus geweißt get hat / Sie werden durch geitz mitt ertichteten Worten an euch hantieren/ Diweil denn solchs ertichtets newes danck opffer des leibs vnnnd bluts **CHXJSEJ** / durch die Papistischen pfaffen / allein zu voll führen kein bessern grund hat / denn liegen widder die schrift / felschung der Peter spräche / vnnnd new freuel geticht/ wirt jederman wol wissen / was man dauon halten solle/ zuuor die weil die Epistel zun Hebre. Von dem rechten einigen opffer ann dem Creutz nur ein mal geschehen / Also leret/ Er hat mit einem einigen opffer / ewiglich volendet die heiligten.

Vnnnd was ist der glaube/ was ist die Tauffe / was ist die absolution / wenn wir den nutz

nutz des opffers **CHXJSEJ** am Creutz geschehen/ nach dem glauben/nach der Tauffe / vnnnd nach der empfangner absolution aller erst durch des Pfaffen getichtes opffer müssen bekommen? Mit der weise hette wol **GDZEE** der Vater den Baum des lebens **CHXJSEJ** vnsern Heyland inn den Himilischen Garten/ zu seiner rechten gepflantz / Wir können aber der Aepffel nicht bekommen / es breche sie denn der opffer Pfaffe abe / vnnnd bringe sie herab/ vnnnd verkauffe sie vmb ein Praesentz / Was hülffe vns das Goe der Vatter den Baum gepflantz hat/ vnnnd das der Baum frucht des ewigen Lebens tregt / So wir die öpffel nicht möchten bekommen? Fürwar gar nichts / So wirs aber durch den opffer Pfaffen getichts danckopffer vberkommen/ So ist warlich des opffer Pfaffen wol that besser / denn die wolthat **GDZEE** des Vatters vnnnd des Sons / Wir halten ihn auch billicher für vnsern Heyland / denn Ihesum der Jungfrawen Son/ der vns die aepffel so hoch gestellt hat / Das wirs ohn den opffer Pfaffen/ nicht können ergreifen noch erlangen.

Wer wil nicht mercken vnnnd verstehen/ Das das die aller schedlichsten verführer sind/ Von welchen **CHXJSEJ** gesagt hat / Es werden viel inn meinem namen kommen/ vnnnd sprechen / Ich bin **CHXJSEJ** / Diweil aber die alten Peter als Ireneus / gleich wol eins opffers / das wir inn der Kirchen opffern/gedencken ist zu wissen/ Das es eigentlich die gestalt hat / Erstlich sind zweyerley opffer/ Geistliche /

Geistliche vnnnd ensserliche odder leibliche opffer / Die geistlichen opffer sind gebet / lob / danck / vnnnd sich selbs Gott ergeben zu geistlichen opffer / wie Paulus / Rom. xij. Leret / Vnd von denen ist kein streit.

Die eusserlichen leiblichen opffer sind dreier ley / nemlich / geschenckopffer / deutelopffer / vnnnd versone opffer / Das versone opffer ist allein Christus am Creutze / Die deutelopffer haben alle mit dem Judenthumb auff gehört / Aber das geschenckopffer hat mit dem Habel angehebt / vnnnd weret bis ans ende der welt / Es ist aber das geschenckopffer alles das / das die gleubigen freywilliglich aus danckbarkeit gegen Gott / vmb alle leibliche vnnnd geistliche wolthat zum Gottes dienst / zuerhaltung der Priester / des Euangelions / auff die nachkommen / vnnnd zu erhaltung der armen / reichen vnnnd geben / Es geschehe bey dem leben des gebers / odder durch sein Testament / Vnnnd von diesem opffer redet auch Christus / da er spricht / Wenn du dein gabe odder geschenck bringest zum Altar / vnnnd werdest ingedenck / das dein Bruder etwas wider dich hat / so verlasse dein opffer vor dem Altar / vnnnd gehe hin / versone dich mit deinem Bruder / Vnnnd denn komme vnnnd opffer deine gabe / Vnnnd ist dieses opfers art vnnnd eigenschafft / das mans öffentlich auff Ceremonische weise mag auff dem Altar durch den Priester opffern / odder mag es on alle Ceremonien schlechts dahin geben / odder auch wol heimlich austheilen / das es zu denen stücken einem odder mehr gereiche / darzu es gehört / Vnnnd wie im ein jeder thut odder wie es die

es die gemein odder Priester damit machen / so ist vnnnd bleibt es alweg ein angenehmes opffer / vor den augen Christi / Also nennet der heilig Paul die steur / So ihme die Philipper ein mal vnnnd abermal zu seiner vnterhaltung geschickt hetten / Welche freylich nicht auff den Altar geopffert sind worden / ein angenehmes opffer / Got wolgefellig vnnnd ein süßen geruch / Auff solche weise hat mann die Christen im anfang / Ehe denn die kirchen / die zehenden / vnnnd andere rendt vnnnd geld vberkommen / zu opffern fleißig vermanet / vnnnd habens die Priester mit gebet Gott fürgetragen / Das ers ihme woll wolgefallen lassen / Vnnnd als mann nicht allein zum Gottes dienst / Ole vnnnd Wachs zum liechten / Weyrach zum geruch / Wein vnnnd Brod zum Abendmal / Sonder auch getreid / geld / fleisch / hennen / aier / milch / honig / vnnnd alles zur narung der Priester / vnnnd erhaltung der armen gebracht / würd als bald geordnet / wie die Canones Apostolorum // wie mans nennet / anzeigen / Das mann solche ding nicht mehr auff den altar solt opffern / Sondern am andern verordneten ort / vnnnd solte allein wein vnnnd brod zum heiligen Sacrament / Wachs / Ole / vnnnd Weyrach zum leuchter vnnnd geruch auff den Altar opffern / Da haben denn die Priester solche gaben des volcks / die gleich nicht auff den Altar kommen / mit den gedancken zum wein vnnnd Brod gefast / vnnnd dieselbigen inn des volcks namen GOTT geopffert / Vnnnd denn weiter gebeten / Der herr Christus wolle schaffen / Das das brod sein leib / vnnnd der wein sein blut werde / Darnach haben sie dem

E volck

volck das heilig Sacrament ausgeteilt / vnnnd
gar nicht geopffert den Leib vnnnd Blut / wie das
Interim tichtet / Solches alles ist aus Ireneo
so lauter vnd klar zubeweisen / das keine gegrun-
te einrede darwider mag auffgebracht werden /
Solche weyse zu opffern / haben die Babest vnnnd
Bischoffe / bald darnach von tag zu tag im-
merdar geendert / bis zu letzt die Griechisch vnd
Lateinisch mess einander sehr vngleich sind wor-
den / Vnnnd hats der Babst dahin gebracht /
das er vnnnd seine Pfaffen nicht mehr CHXJsto
Wein vnnnd Brot der meinung opffern / das er
sol schaffen / Das es sein Leib vnnnd Blut wer-
de / Sonder rhümen sich / sie machens selbst
mit ihrem munde / sprechen da auch / Ich bin
CHXJSES / wollen auch nicht gesehen sein
Das sie solche schlechte gaben des volcks opf-
fern / sonder opffern den Leib vnnnd das Blut
CHXJSES aus eignem freuel / für die lebendi-
gen vnnnd die todten / Den todten aus dem ge-
richten Fegfeur damit zuhelffen / Haben also den
kleinen Canon / welcher gebraucht ist worden /
wenn man geopffert vnnnd nicht Communicirt
hat / vnnnd den grossen Canon den man brau-
chet / wenn man opffert vnnnd Communicirt gantz
vnnnd gar verendert / verfelscht / verderbet vnnnd
abgöttisch gemacht / vnnnd hilfft nicht / das sie
das anruffen der heiligen / vnnnd anderer todten
gedechtnis so lind einführen / vnter dem Tittel
der gemeinschafft vnnnd des gedechtnis /
Denn wir fechten nicht widder das gedechtnis /
Sonder fechten allein widder das / das sie Gott
bitten / er wolle der heiligen verdienst vnnnd für
bitt anse

bitt ansehen / vnnnd vns helffen / Welchs ja ab-
göttisch vnnnd wider den einigen mitler CHXJ/
SES ist / Darzu widder das wort Christi /
wenn ihr alles thut / was ihr thun solt / so spricht
ihr seid vnnütze Knecht / Wir fechten auch ni-
cht widder der andern Todten gedechtnis / sie
mögen gedenccken was sie wollen / Sondern
das sie das Sacrament opffern ohn befehl für
die todten / denen es nicht dienet / Sie aus dem
Fegfeur zuerledigen / so doch keins ist / Denn
diese greuel alle schliessen ihre beyde Canones
samtlich inn sich.

Die anruffung der heiligen / hat erstlich
diesen mangel / das es GDE nicht gebotten /
nicht befolhen / noch kein wort ihe dauon ge-
offenbart hat / Derhalben kan es auch nicht aus
dem glauben gehen / Darumb ist es sünde vnnnd
nicht anzunehmen / Denn wir wüsten doch
nicht / Welche heiligen / was meinung inn wel-
chen sachen / mit was worten / wir sie solten an-
ruffen.

Zum andern / wissen sie vnser gedanken
vnnnd gebet nicht / denn dasselbige gehört allein
dem einigen waren Gott zu / Sprechen aber die
widderfacher / es werde ihnen von Gott geoff-
fenbaret / So seind sie es schuldig zubeweisen /
Das wirt wol vnterwegen bleiben ewiglich.

Zum dritten / wenn sie schon vnser gebet
wüsten / so würden sie auch Gottes willen wis-
sen / was er thun odder lassen wil / Darumb kön-
nen sie nicht für vns bitten / denn wil ers thun
so dürffen sie nicht bitten.

Zum vierden / so sie durch ihre verdienst sol-
ten erhöret werden / So weren mitler zwischen
Gott vnd Mensch / Welches Christo allein
zugehöret / Sie werden auch Götter / Denn ein
mitler zwischen Gott vnd Menschen mus selbs
auch Gott vnd Mensch sein / Das reichet denn
auch zur aller greulichsten Abgötterey / vnd ver-
leugnung des Nitlers / das er ein einiger mitler
sey / Aus der lügen vom Fegfeuer volgen diese gre-
wel vnd Gottes lesterung / das / wiewol Jhes-
sus Christus sampt dem Vatter vnd heiligen
Geist / inn einem jeden Christglaubigen Men-
schen / als inn ihrem rechten Tempel wonen / le-
ben / heiligmachen vnd wircken / So sollen sie
dennoch nicht so starck noch so heilig sein / Das
sie die vbrigen sünden / die noch ann ihrem Tem-
pel kleben / auch durch den tod Christ / darein
wir getaufft sind / möchten außfegen / Sonder
es müsse das hellische Fegfeuer der heiligen Drey-
faltigkeit vnd dem heiligen tod **CHRISTI**
zu hülff kommen / vnd die sünde vollend her-
aus bringen / Vnd mus also Christus mit vnd
inn seinem heiligen Tempel auch inns Fegfeuer
fahren / Denn wenn Christus seinen Tempel die
glaubigen Seele verlies vnd raumet / so hette sie
das ewig leben verloren / vnd der ewige Todt
hette sie so ergriffen vnd verschlickt.

Desgleichen volget / wenn der mensch vonn
der anklebenden odder begangenen sünde we-
gen noch irgent ein zeitliche straffe vnd ruthen
zu leiden schuldig were / die ihme **GOTT** als ein
gnediger Vatter zur züchtigung auffgelegt od-
der verordenet hette / So sol dennoch der todt
Christi

Christi der im leib Christi aller welt sünde beza-
len hat können / nicht so mechtig noch so wich-
tig sein / Das er so mit aller seiner krafft vñ macht
daher felt auff den glaubenden sterbenden men-
schen / Wie wir denn alle inn todt Christi einge-
leibt sind / vnd desselben todt sterben müssen /
das er könnte solche straffe / vergleichen / zalen /
vnd enden / Sondern das hellisch Fegfeuer / sol
dem todt Christi darin wir sterben / zu hülffe
kommen / vnd ein bessere ruten sein / Die das
kind nach dem Väterlichen Göttlichen willen
bas straffen / vnd den zorn Gottes bas versö-
nen könne / Denn der todt Christi / darin wir
leiden vnd sterben . Wer wolte nicht mercken /
Das die leute den teuffel zu einem Gott haben /
die dem hellischen feur mehr krafft / tugent vnd
gutter wirckung zumessen / Denn der heiligen
Dreyfaltigkeit / vnd dem aller heilsamsten tod
Christi ? Darzu Gott sampt seinem Tempel der
glaubigen seelen ins hellisch feur werffen / Vnd
ihn also dem Teuffel vnterwerffen

Inn Summa es ist vnaussprechlich / vnbe-
greifflich / vnd vngleublich / das solche souiel /
so vnchristliche / so abgöttische / so Gottesleste-
rische / vnd so grewliche grewel vnter den Chris-
ten eingeschliechen sollen sein / vnd kans nie-
mand fassen noch durch sehen / Denn die da se-
hen / das der ware Antichrist / vnd widerwer-
tige feind Gottes / im Tempel Gottes / das ist /
Inn der heiligen Christenheit öffentlich sitzt /
vnd der Teuffel inn ihme / durch ihn vnd aus
ihme alles das redet / wirckt / vnd thut / das wi-
der Gottes willen / vnd ehre strebt / vns zum
E iij vnglauben /

vn glauben/verführung/abhöttetey / Gotsleste/
rung/ vnnd ewiger verdammis reichet / Gleich
wie Christus zur rechten Gottes sitze / vnnd der
Vatter inn ihme / durch ihn / vnnd aus ihme/
alles redet / vnnd thut nach seinem Göttlichen
willen zu seiner ehre/was vns zum rechten glau/
ben/erkentnis/Gottesdienst/Gottes lob / vnnd
ewiger seligkeit fordert / Davon Paulus. z. Tes/
sä. z. Also schreibt / der Jüngste tag Kompt ni/
cht / Es sey denn das zuuor offenbar werde der
mensch der sünde / das kind des verderbens/
der da ist ein widerwertiger / vnnd sich erhebt
vber alles das Gott vñ Gottesdienst heist / Also
das er sich setzt inn den Tempel GD&EES/
vnnd gibt für / er sey Gott / Vnnd es reget sich
itzo schon die bosheit heimlich / ohn der es
auffhelt / mus hinweg gethan werden / vnnd
als denn wird der boshafftig offenbart werden/
Welchen der HERR vmbbringen wird mit dem
Geist seines mundes / vnnd wird sein ein ende
machen / durch die erscheinung seiner zukunfft/
des / welchs zukunfft geschicht nach der wirc/
kung des Satans mitt allerley lügenhafftigen
Krefftigen / zeichen vnnd wunder / vnnd mit aller/
ley verführung zur vngerechtigkeit / vnter denen/
die verloren werden / Dafür das sie die liebe zur
warheit nicht haben angenommen/das sie Sees/
ig würden / Darumb wirt ihnen Gott krefftige
irthumb senden / das sie glauben der lügen/auff
das gerichtet werden / alle die der warheit nicht
glauben/Sonder haben lust ann der vngerech/
tigkeit.

Nach dem nu die gewel zum teil vnd auff
Pürtzst

Pürtzst sind angezeigt / vnnd viel frommer leutte
fragen / Was mann thun könne / vnnd wie man
der vbrigen halben/ Das mann thun soll/möch/
te linderung finden / Ist mein getrewes beden/
cken/ Das die linderung farnemlich bey GD&EES/
den man mit diesem fall gewelich erzürnet hat/
durch bekenntnis der sünden gesucht werde/
Denn für sich selbst vber die erkanten warheit
dahin fallen/ vnnd alle diese gewel widder wil/
ligen / die gantze Christenheit ergern / vnnd
so viel hunderttausent vnterthanen ohn ihren
willen vnnd wissen/inn die gefahr/ Das sie mitt
gewalt inn diese gewel gezogen / vnnd damit
befleckt werden / dahin reissen vnnd einwickeln/
des mann weder von GD&EES / noch Engeln/
noch Menschen / noch vonn den geschriebenen
rechten gewalt hat / noch haben kan / Ist für/
war ein solcher fall / des gleich inn der Chris/
tenheit noch nie erhört ist worden / Darumb
mann GD&EES billich zu füssen felt/ vnnd hälffe
sucht / denn wo der nicht linderung schaffet/ist
bey dem Satan / den nach allen diesen geweln
hungert vnnd dürstet / kein linderung zuhoffen
noch zu suchen.

Ich kann vnnd wil auch nichts radten/
noch geradten haben / Denn auff den fall/
das die reine lehre bleibe / denn wo die felt/
So wird alles / auch das gute im misserstand
aberglauben / vnnd Abgötterey / gezogen / Da
aber die reine lere bleibet/mag mā sich mit fasten
gen vnd Feyrtagen/mit dem grossen haußen auff
rechte vnterrichtung der gewissen vergleichen/
Item

Item/inn der Kirchen psallirn / souiel man wil
ohn das man nicht eben die horas Canonicas, darz
zu vnser Kirchen nie verbunden gewest/auffri
cht/Item/beichten/priuat absolution empfaben/
hindan gesetzt/die obgemelten misbreuch/da
von die gewissen müsten vnterricht werden / Es
wird auch die priuat absolution verursachen / das
die Leut nicht so mit haussen zum heiligen Sa
crament giengen / Sonder sich einteilten/das
mann schier teglich möcht Communicanten ha
ben/vnnd also zur frümesse ein gantztes vierteil/
wie zur Vesper/ leuttet/vnnd hübe ein vierteil/
dester ehe an / damit sich vnter dem geleut die
Communicanten möchten anzeigen/vnnd also ab
soluirt werden.

Nicht das es
vntrecht oder
vngdlich we
re/das mans
Singe Wie
vor/Sonder
das der rech
te anstifter
der Teuffel/
so den Babst
treibt fürne
lich gemeint
wörde.

Das deudsch gesang/ Erhalt vns herr bey
deinem wort/etc. Möcht also geendert werden/
Vnnd wehr des Teuffels Lügen vnd Mord/der
Ihesum Christum deinen Son / wolt gern stür
tzen/etc. So treffe es den Teuffel / vnnd allen
seinen anhang/vnnd nicht allein den Babst vnd
Turcken / Mit Bilden/gemelden/ Kleidern/ge
fessen/liechten/ etc. Wird es vorhin bey vns ge
halten/das mann vns nicht weiter dringet.

Ferner kan ich nicht finden / das man mit
gutdem gewissen/vnd on Gottes zorn kan wider
annehmen/vnnd auffrichten / priuat Messen one
Communicanten, denn das ist gantz wider die ein
setzung **CHRYSTI**/ Widder der Apostel lere/
vnd widder die natur der Communion, Können
auch nicht annehmen den Canon, von wegen das
er den leib vnnd blut Christi opffert/die heiligen
auff ihr

auff ihr verdienst anruft / vnnd ins geticht Seg
feur handelt / Auch nicht die Letaney/ geweyhet
saltz / wasser/ dreierley öle/Teuffel beschweren/
Creatur beschweren/als weren sie mit dem Teuf
fel besessen/kein segen oder weihe da der Creatur
zugelegt wird/das Gott des Vaters/oder Chris
ti des Sons/mitlers/vorsünners/vnnd heilands
odder des heiligen Geistes ist / Auch nicht das
ertichte Segfeur sampt allem dem / das vmb
segfeur willen geschicht / kein menschen Leere/
die gegen Gott wil handeln / vnnd die gewissen
faben / Inn sonderheit Können wir nicht anne
men das new geticht/des vermeinten denckopfe
fers/Derhalben auch inn keinem weg die neuen
noteln der vermanung / So mann vor der Com
munion verlesen sol / denn sie nichts anders thut/
Denn das sie gedacht ertichts denckopffer mitt
vngegründten Worten den leutten begert einzu
bilden/Vnnd ist mir gar kein zweiffel / Es wird
solch gedencopffer von allen teilen / wiewol ni
cht gleicher vrsachen/verworffen vnd verdampft
werden/ Es werden auch ohn zweiffel alle diese
grewel durch gelerte Leute / nicht allein inn
Deudschland / Sondern auch vnter allen andern
Nationen / dahin der gute geruch des heilige E
uangelions/gereicht hat/Dermassen auffgedeckt
vnnd widerlegt werden / das es allen den jeni
gen/so sie nach erkanten warheit/widder anne
men/ zur vnablechlichen schand vnnd schmach
wird gedeien / Vnnd da mann stzund grosse ge
fahr vnnd furcht fürwendet / wird alles nur zu
schwererem vntreglichen vrteyl gedeyen / Denn
so mann zeitlichen schaden / den vnns menschen
zufügen

zufügen können / Die vnns dieser sachen halben
noch kein leid gethan/so vbel fürchten/solte man
ja viel billicher zeitlichen vnnnd ewigen schaden/
den vnns Gott durch sein vnwandalbar wort/
Von anfang der welt her gedrawet hat / viel
mehr fürchten / Denn ihe mehr die menschen
fürchtet/ihe mehr man zeuget/das man wol wif
se / das Gott viel mehr zufürchten sey / der auch
warlich solche greuel / wo sie zu betrübnis/vnd
verderbung der gewissen/für die Christus gestor
ben ist/wider auffgerichtet werden solten/nicht
vngestraft wird hingehen lassen.

Über das alles ist auch das erschrecklich vr
teyl Gottes/das schon angangen / ihe lenger ihe
mehr zu fürchten/da er sünd mit sünden strafft/
vnnnd seine feinde immer von einer sünd in die an
dern fallen lesset / Denn es ist nicht ein geringe
sünde/ Da man in das Concilium zu Trient be
williget hat/ehhe man gewüßt/was es beschliessen
werde/Ja da man keine vermüttung hatte/das
es recht schliessen würde/Sondern schon vor au
gen war/das es die jrthumb/so das Interim selbs
tadelt/bestedige.

Darnach ist Key. Ma. Das Interim allein
heimgestellt / vnnnd sind die vnsern also ausgs
schlossen/vnd daruon gestossen/so es doch seiner
Ma. Veruffs/ampts / vnd verstands nicht ist.

Ferner ist das Interim bewilligt/So doch das
gewissen / deren/die es bewilligt haben/darwi
der schreiet/also/ Das sie es nicht vergeben kön
nen/Welchs nicht fern von der sünd in heiligen
Geist ist/die ewiglich nicht vergeben wird/vnnnd
ist nu zubeforgen / der Satan werde auff die be
willigung

willigung dringen/Keine ausflucht lassen/sonder
dahin treiben/das man die bewilligung mit dem
werck mus volführen/Daraus wird volgen/das
man die Priuar personen / so in reiner bekentnis
des Sons Gottes bleiben/vnnnd diese greuel ni
cht annehmen/wirt müssen helfen verfolgen/ver
jagen/einziehen/vnd den feinden vberantwortel
vnd also den Son des lebendigen Gottes in sei
nen gliedern verfolgen / mit füssen treten/vnnnd
helfen morden / Damit man denn den fluch v
ber sich ziehen wird/das Gottes wort ein mal al
so von sich gestossen/nimmermehr wider verlies
hen vn wider komen wird/Denn kein fromer Pre
diger/wird bey auffrichtung solcher greuel kön
nen bleiben/den schweigt er darzu/So ist er des
Teuffels/predigt er dawider/so ist zubeforgen/
es gebe auffruhr/welche beide nicht sind zuertra
gen/Darumb bedencke man fleissig was zuthun
sey/vn kere widder/wer widderkeren kan/ehe der
zorn Gottes entlich angehe / denn die art ist an
den Bawm gelegt/ Der bawm so nicht gute früs
cht tregt / wird abgehawen werden / das wird
man durch schreckliche exempel erfahren / Will
man nu recht thun/vnd bey der warheit bleiben/
darff man nicht allein auff Key. Ma. Ehen/dem
man billich alle vnterthenigkeit/die nicht wider
Gott ist/leisten sol/denn sein Ma. Ist warlich
nicht/die diese sachen treibt/sondern kompt vn
schuldig in die sachen / die ihme zu hoch ist/Der
Fürst dieser welt/vn sein Antichrist mit allen ih
ren gliedern/treiben diese sachen / vnd meins
auffß ergest/Ist derhalben kein linderung durch
Heucheley bey ihnen zu hoffen / noch zuzuchen/
Wie

Wie Gott im buch Job selbs zeuget/vñ spricht/
xli. Wer hand anlegt / der sol wissen / das es ein
streit sey/den er(on Gottes hülffe) nicht ausfüh/
ren werde / Darumb sol man ihme stracks durch
Gottes geist / mit Gottes wort begegennen / vñnd
vnter die augen gehen / seine lügen / Abgötterey
vñnd lesterung auffdecken / verlegen / vñnd zuschan/
den machen / Vñnd wo ja die Stende des Reichs
die mit dem Interim beschwert/weder samptlich/
noch sündlerlich thun wolten //oder zuthun nicht
getraweten/das sie doch nicht hinderten / Son/
dern förderten/das es etliche gelerte / die es thun
küntten / vñnd gerne theten / durch den Truck in die
welt brechten / damit der feind zuschanden / vñnd
die warheit zuehren würde / Denn es ist nichts in
der welt / das dem Teuffel vnleidlicher vñnd vnü/
berwindlicher ist / denn öffentliche lehre / bekent/
nis vñnd bezeugung der reinen Göttlichen war/
heit / Wiewol die vernunfft solches nicht gleubt/
noch sein warnimpt / Ist auch kein zweiffel / Key.
Ma. Würde sich gelinder vñnd gantz Beterlich /
wenn sie rechten bericht empfieng / finden lassen /
Das habe ich E. J. E. W. Auff erlicher gñn/
stig ansuchen / gewissens halben nicht
wollen noch dürffen verbergen / Bit
tend das im besten zuuerne/
men / Vñnd mich ihnen
beuolhen zuhas/
ben / etc.

I. 138^a 7.

Z Bericht vom INTERIM der Theologen zu Weissen bera samlet. Anno D. D. xlvij.

Psalm xxvij.

Harre des **HERRN** / sey getrost vñnd vnerzag
vñnd harre des **HERRN**.

Abame Cap. ij.

Die Weissagung wirdt ja noch erfüllet werden / zu seiner zeit /
vñnd wirdt endlich frey an tag komen / vñnd nicht aufsen
bleiben. Ob sie aber verzeucht / so harre ihr / sie wird
gewisslich komen vñnd nicht vorziehen.